



温州市图书馆

WENZHOU LIBRARY



温州图书馆

WENZHOU LIBRARY



温州市图书馆

WENZHOU LIBRARY

序

詩必宗唐少陵其極軌也中晚而後或以清雋或以瀟灑或以古  
奧或以綿麗如錢劉元白韓柳溫李諸公皆擗芳振彩自成一家  
而窺其意向則莫不彈其聰明才力以希踪老杜特不屑貌其似  
耳竊怪今之學詩者甫知聲韻便擬少陵多見其不知意也然則  
善學者托始於中晚馴至于初盛庶幾其有當歟余鄙見若是而  
善余說者惟吾友東村朱君東村博學工詩早飲香茗所居近吹  
臺山相傳王子晉嘗吹笙於此其山幽勝絕塵山之陰即東村延  
綠堂讀書處每當風月良宵酒酣意適拈題吟咏竟異標新筆挾  
煙霞響和猿鶴故其詩皆飄飄有仙氣生平著作甚夥輒隨手散  
去不自收拾其詩凡三變少學西崑繼宗長慶適數年來深醇高  
渾則駸駸乎入少陵之室矣所謂托始於中晚馴至于初盛者不

然耶客秋忽抱沉疴遂至不起嗚呼東村讀書萬卷下筆有神余  
與交遊三十年餘乃命途偃蹇終老明經甌人惜之沒數日余往  
哭奠卽索其藏稿其家茫無以應搜諸故書堆中僅得遊仙吟一  
編計一百餘首近作則無有也嗟乎東村畢生矻矻嘔血剗心願  
任其散失沉埋不獲傳諸世雖其子弟之責抑亦友朋之責也因  
傾囊橐餘資付之剗剗庶吾友之名藉以不朽且使讀其詩者知  
東村才思如斯而猶不敢驟希初盛非畫地自限實緣級以升彼  
以少陵可一蹴幾者當亦爽然自失矣是為序  
乾隆甲戌年清和月通家同硯弟馬世俊拜序

延綠堂首序

學官之為職也。在乎興行育材。儲國家樹人之選。而人才之生也。又必本乎地靈之鍾毓。風會之適然。然後得涵濡變化。卓爾不羣。由一鄉一邑。而光華滿於宇宙。蓋成材若斯之難也。余來東甌。見夫山川秀麗。城郭恢宏。意必有不凡之材。可以追踪前哲。如梅溪止齋諸君子者。亟物色之。得郡庠邵生鳳藻。薛生宗燾。李生錫基。皆能肆力於古。恂恂自好。而見於經義詩詞。具有風骨。相與切磨。靳登作者之堂。以鳴國家之盛。或者其在斯人乎。迺自夏徂冬。不數閱月。而三人者相繼云亡。豈地靈之不厚歟。抑東嘉之風會。今必不古若耶。扼腕痛悼。往來於懷。而不置。明經馬君世俊。風雅士也。善鍾王筆法。愈大愈秀。而有力。與余交一日。執亡友朱鏡物遊仙七絕句一百餘首。問序於余。欲付梓人以垂久。蓋不忍其友之

遺聲剩墨隨形骸以漸滅也夫鏡物由郡庠循年例貢成均余方  
為上其事初不料其遽化也年雖過於邵生輩三人哉其為費志  
以沒則一也然邵生輩不聞有哀其遺其文而傳之者此余特重  
馬之為人而為鏡物幸彌復為鳳藻宗燾錫基悲也雖然修短數  
也聞馬君之誼而興起於善知惜邵生輩之死而發奮於學則又  
為山川生色自闢風會之傑士矣後生勉乎哉試以質之馬君當  
必與亡友遺詩之本意大有合也因書以遺之

乾隆十九年春三月東甌郡庠教授仁和王執玉序

甌江朱東村遺稿

小遊仙選三十五首

丹篆遙從紫府分  
石函千古閱靈文  
奇花異草春生處  
天上常遮五色雲

金闕差栽壓景雲  
朝天仙客曳青裙  
殿前忽報珠簾捲  
玉版遙宣十賚文

家住蓬萊第一峯  
羽輪來往五雲從  
常於弱水洪濤裡  
百尺長竿釣白龍

八景風吹鶴氅偏  
片雲飛下蔚藍天  
欲隨海水窮鰲極  
試坐星槎十二年

紫泥捧詔下瑤天  
瑤島重經思惘然  
一片東流滄海水  
向來記得是桑田

海國風和生意饒  
玉田芝草秀青苗  
春晴潤葉需甘雨  
試取星池

爛石燒  
仙監乘風赴鶴書  
籠烟蘿薜洞門虛  
藥苗滿地無人采  
移向金鰲

頂上居  
欲教名姓署玄都  
須喚癡龍第一珠  
九館只今春正好  
草坡試取

白羊鬚  
燕王遣使入蓬萊  
紫翠丹房次第開  
借問洞宮珠作飾  
西池青鳥

幾時來  
宮門晴日射珠光  
鳳管鶯笙奏曲廊  
欲遣姓名書素券  
須從王母

乞仙方  
玉宇更深桂影圓  
誰教寒兔伴嬋娟  
丁當細擣長生藥  
惱亂吳剛

夜不眠

溫州府...

綏山萬仞入長空俯視峨眉杳靄中雲路木羊留不住紅桃花落  
滿蹊風

羽衣持節詔真仙往鎮東方第一天跨得白鸞纔展翅已傳弱水  
度三千

長吉遙天駕赤虬蹠蹠風動翠雲裘不知閶闔歸何晚有詔傳宣  
記玉樓

黯淡同雲萬壑迷芒屨迢遞入幽蹊雪中欲采長生草明日鄉亭  
贈老妻

名列真仙第一班偶因遊戲謫人間尋常繞日驅神馬金鐙聞敲  
出漢闕

王君傳語喚麻姑莫管蓬萊海水枯且向餘杭沽美酒玉盤麟脯  
擗行厨

曾讀金鱗腹裡書數椽幽谷結蝸廬柴闥盡日無人扣自寫琴心

慰索居

孤鶴歸從白玉京徘徊故國動離情海天已作千里別莫怪無人

識姓名

叔卿跨鹿漢宮歸長嘯清風入翠微淨埽玉床雲裏坐巖花如雪

落春衣

仙禽嘹唳度秋氛金矢無端遠入雲歸向蜀山藏紫館姓名留與

上皇聞

草白雲皇塞路賒板輿千里出龍沙青牛日暮西風急鳴向山田

荳勝花

西秦闕吏謁真仙手授丹經字五千書罷青牛尋不見却從花下

飲香泉

殘棋未了子丁丁  
太息滄桑已變更  
樵客不知柯爛盡  
猶依寒谷對紋枰

吸盡金鉶玉液空  
醉揮長袖舞輕風  
帽簷落盡春花片  
一曲山香唱未終

酤得餘杭美酒香  
片雲送渡海天長  
欲從度索君同飲  
醉眼看花對夕陽

麻衣草屨碧荷中  
賣藥人間五百春  
忽到灞城傷往事  
月寒荆棘看銅人

驚濤萬頃渡宮亭  
碧杜紅蘅秋滿汀  
送見向來沽酒處  
樓頭疎雨酒帘青

積石千尋古木蟠  
瓊枝厯厯綴瑯玕  
驪珠睡起秋風冷  
摘向紅雲飼白鸞

長鈹寒光佩陸離青絲雙履徧天涯秋風偶入邯鄲市猶記黃梁  
枕畔炊

不將金鼎煉黃芽閨園春餐百草花賣數偶然來上市滿天風雨  
渡流沙

荷衣辭出大明宮驢背逍遙萬壑空不死藥成須九轉丹爐燒向  
月月中

鹿駐幽林敗葉寒玉床四面鎖烟巒素書一卷藏金篋展向秋風  
對客看

路入神房翠嶂深長松十尺落春陰偶逢章甫黃衣客閒倚雲根  
聽鼓琴

饑餐瓊寶渴瓊漿丹壑迢迢阻故鄉指與白雲堆裏石東山驅下  
便成羊

雲霞五色夾天遶帝闕歸來素虎隨怪底悲風生谷口玉簫聲在  
半空吹

睢陽城上暮啼鴉猶倚寒雲坐月華不是援琴悲往事春風長憶  
荔枝花

蓬萊宮殿玉玲瓏誰信仙都有路通不若拂衣歸碧落自敲長板  
唱雲中

風雨瀟瀟滿帝畿靈臺夜靜石羊飛遙知一榻高懸處采得山花  
獨自歸

檀槽金縷簇紅紋一曲清商徹暮雲知是荷香當夕宴慙慙彈向  
武夷君

牛渚仙槎到客星微風吹皺浪痕青鳴機隔岸誰家女落盡榆花  
秋滿庭

延餘言草

雙鳧千里入神京  
仙令雲中佩玉鳴  
來到鳳樓聽刻漏  
銅龍猶自

滴三更

靈香緩步佩環鳴  
姊妹相邀子晉笙  
笑向玉床吹一曲  
短長皆作

鳳凰聲

曾攜幽谷一枝筇  
來到人間化作龍  
春雨葛陂芳草裏  
至今猶有

白雲封

雲母瓶開美醞香  
花前潦倒九霞觴  
飲闌獨向瓊樓卧  
闌苑春風

是醉鄉

鉛華洗盡舊風流  
自愛巢栖厭畫樓  
夜半偶為靈鵲噪  
風生桑葉

滿林枝

玉京仙女許飛瓊  
夜讀黃庭向五城  
忽被天風傳逸響  
人間應有

步虛聲

溫州府志

深閨玉杵夜丁當獨對寒檠一燄光雙鬢怕郎容易改三年辛苦

樹玄霜

靈光皎潔雪為團香沁春林夜色寒欲折一枝歸闈苑月明騎馬

入長安

宿水滄風十二時越山迢遞覓良師誰家名姓留瓊簡唯有蓬萊

玉女知

天酒傾殘玉榼空少年仙女戲簾櫳暗將一掬金瓶米擲作靈砂

滿地紅

官閣寒梅花滿枝巧將絳雪綻冰肌月明好探春消息寄語瓊臺

姊妹知

石室迴環澗水深炊烟消盡見春林陰符誰向山窗展古鼎焚香

獨自吟

誰家二女曉凌波  
報道瑤姬與玉娥  
要上龍門看百禹  
滔天洪水

駕竈龍

漢水悲風簇浪痕  
半規清月照黃昏  
芳洲寂寞秋花冷  
銷盡江妃

二女魂

子夜霓裳天上聞  
太真縹緲度紅裙  
廣陵燈市春遊女  
爭道姮娥

降五雲

巫峯十二雨雲迷  
夢入高唐不可期  
一片春愁誰與訴  
好從青草

覓瑤姬

斑龍五色駕仙姝  
天路秋風度白榆  
遙向碧霞深處去  
東皇有約

夜投壺

愛結清閨水石緣  
玉書頻下懶朝天  
曾將往事重回首  
塵蝕菱花

四百年

青鳥飛鳴出上方  
風吹天路九霞光  
春宵玉輦從空下  
白橘紅桃餉穆王

仙掌秋風漢苑閒  
誰邀王母到人間  
笑將赤簡遺青鳥  
啣到銀河喚阿環

漢宮高宴散流霞  
雲路歸來月影斜  
忽見玉壇春滿樹  
紅鸞飛入紫梨花

軋軋車聲夜漏遲  
短檠冷燄對幽姿  
只緣香樹新成蠶  
五色絲

十五青娥冰雪姿  
仙臺笑語夜來遲  
春波月下邀人唱  
自把鸞簫按曲吹

曾浣冰綃入翠嵐  
斑龍歸後逕三三  
不知溪水緣何事  
每到秋風色便藍

不向雲鬟束素冠  
當壚常博少年歡  
酒闌薄暮遊人散  
一卷仙書徹夜看

紫鷺青鸞何處來  
引將秦女入蓬萊  
不知故國情難斷  
夜夜吹簫向鳳臺

佳人緩步出巖扉  
赤犬垂毛繞畫衣  
笑指成都雲起處  
池塘魚數小龍飛

越江潮落水聲悲  
柔櫓輕帆一葉移  
借問美人堆繡被  
西風蕭瑟與誰期

滿挹春泉注玉盤  
午風簾幙漾微寒  
弄波笑指游魚躍  
呼出紅粧少婦看

緱山帝子入秋雲  
天上人間自此分  
縹緲鸞笙聲漸遠  
秋風遙向碧霄聞

懸巖虎嘯谷生風吹亂佳人兩袖紅為愛錦繡春色好相將夫婿  
入長空

霓裳新曲舞春宵婉轉嬌喉娘娜腰借問譜從何處得曾於月裡  
度銀橋

積雨空濛濕翠屏長溪雨後水泠泠提筐笑入荒烟裏蘸水蘋花

葉正青

五色烟迷夕殿虛雪膚玉女閉門居每逢仙客朝天日宣入珠簾

作校書

紫禁潛遊客路賒萋萋芳草貯天涯無端春色縈愁緒懶卷疎簾

掃落花

閑將錦瑟寫幽思影落寒潭夜月遲寂寞四山無客聽沙汀唯有

白鷗知

延公詩集

卷之五

紫清宮闕五雲深  
媚柳妖桃弄夕陰  
怪底靈籥春意重  
新詩常倚碧窗吟

誰乞靈砂幾粒紅  
尋常偷喫玉壺空  
不知却為長生誤  
化作蝦蟇

住月中

盼斷銀河一水遙  
玉機寂寞織春宵  
愁來幾度嗔烏鵲  
定向秋風

始駕橋

天孫機上暮停梭  
駕鵲秋風渡絳河  
不道相思雙淚下  
別時翻比

會時多

漢渚鷄鳴不可留  
佳人雙淚別牽牛  
憑君欲訂重來約  
唯願榆花

及早秋

晨粧理罷別郎歸  
郎去牽牛妾上機  
珍重七襄留足錦  
怕郎秋冷

乏寒衣

沿澗桃花春水長  
仙郎賺入白雲鄉  
洞中客到無佳  
貺炊得胡麻

滿甌香

惜別空山淚濕巾  
青蛾低語囑劉晨  
莫教一出天台後  
冷落桃花

滿樹春

露桃春曉破紅胎  
花下幽蹊積翠苔  
一自劉郎歸去後  
寂寥雲壑

有誰來

寂歷空林艸樹黃  
洞門深鎖月華光  
清宵達曙無佳夢  
腸斷風流

憶沅郎

迢遞相逢未有期  
鸞箋愁寫送春詩  
憑誰寄語劉郎道  
落盡桃花

知不知

柏梁寂寞鎖春寒  
簫管深宮徹夜懽  
堪笑武皇恩駐景  
留將丹篆

不知看

華陰宮女入山深長向空巖自鼓琴曲罷沿溪采芝去白雲無路

可追尋

翠水春花宴碧桃子登迭奏八瑯璈不知誰唱迴鸞曲撩亂風前

舞袖高

瓊筵唱徹白雲謠天子誰歸夜寂寥十二樓中無客到欲邀弄玉

教吹簫

李白桃紅夾岸春穿花羅襪踏香塵携將五嶽圖何往付與高山

采藥人

青女含愁理晚粧九天寒月自飛霜風流羨殺秦樓客夫婦吹簫

引鳳凰

南嶽夫人號紫虛常從七十二峯居洞庭不管帆來往只讀珊瑚

架上書

雲隨茅狗下清秋  
不見人間舊酒樓  
唯有華陰山下水  
夜寒猶向

月明流

玉宇嚴寒逼素秋  
蟾光兔影夜悠悠  
結璘擊節催歌舞  
高卷珠簾

不下鈎

凌霄帝子珮丁東  
羅袂春生兩腋風  
欲覓赤松何處是  
洞門應在

白雲中

曾燕靈砂駐玉顏  
秋霜飛不到雲鬟  
尋春偶渡湘江水  
吟得新詩

在世間

姑射山頭是妾家  
自將仙帔剪青霞  
莫驚玉貌千年在  
一向飢餐

碧奈花

雲璈嘹唳下龜臺  
玉母清歌擊節來  
留得紫書藏錦帙  
玉窗不敢

等閒開

雕車纔下五雲開  
羞入春宮隊裡來  
曾喫清溪雲母石  
十年前已

換凡胎

曾於月下見湘君  
十二峯頭駕白雲  
飛過洞庭回首看  
滿湖秋水

照羅裙

仙吏新除蔡少霞  
九天便駕五雲車  
朝回閣下春無事  
自劬青芝

種玉砂

海濱太守入仙山  
門掩紅蕉石逕閒  
知是秋風雙燕子  
差池江上

不曾還

何年移得杜鵑來  
却向金仙殿角栽  
惆悵紅英秋寂寞  
等閒吩咐

滿枝開

離亭仙客馭靈蛇  
笑指蓬萊歸路賒  
為報九重天子道  
海天秋老

棗如瓜

溫州不... 卷...

王京有詔謫天曹賣藥人間莫厭勞市散潛從壺裏住一樽春酒

月明高

熒熒如雲九芝葉玉田米白露寒時不知萬歲青蛾意攜到人間

欲贈誰

細雨微風襲素裾一竿迢遞度村墟前溪夜漲桃花水欲向灘頭

釣鱖魚

昨從翠水會麻姑對酌花間酒一壺見說蓬萊山下水於今更比

往時枯

秋空月白夜迢迢忽聽笙歌徹九霄知是夕霜曾有約裴航此夕

贅藍橋

青鳥傳書下夕曛相期同謁玉虛君羅裙八幅新裁剪試度金針

繡五雲

疊巘千里一逕通  
尋幽深入白雲中  
誰家遍春桃樹開  
向清溪花

更紅

殘紅萬點落春山  
寂寞思君畫掩闌  
願把芳心托花片  
遠隨流水

到人間

呢喃畫棟語聲低  
午夢驚回日半西  
知是漢宮釵玉燕  
飛歸仍向

玉堂棲

月落銀河影漸移  
機聲斷續夜鳴遲  
欲為雲錦呈王母  
細織冰蠶

雪繭絲

墉宮仙子下靈洲  
女伴叮嚀語玉樓  
天際莫為黃雀舞  
風高鷹隼

正凌秋

誰將仙李米斜曛  
龍月城頭坐白雲  
堆取滿盤呼客賭  
等閒輸與

紫陽君

千歲佳人萼綠華  
夜吞清露曉餐霞  
衆中猶自誇嬌艷  
跳脫黃金

裹碧紗

誰家對奕駐遊蹤  
人去遺枰在碧峰  
欲向蜀山尋老姥  
兩奩黑白

賭斑龍

龍月城中夜月華  
瓊英萬片影交加  
從今玄圃栽春樹  
半是桃花

半李花

漢使曾傳博望侯  
乘槎夜泛絳河流  
攜將織女支機石  
流落人間

幾度秋

一春寂寞鎖柴扉  
滿徑殘客花到稀  
幾度白雲聞犬吠  
錯教人道阮

郎歸

玉杵聲殘桂闕寒  
擣成神藥貯金盤  
慙慙携向朱闌畔  
分付蝦蟇

細細丸

延壽靈苗何處來  
青青東嶽滿山栽  
如今露落秋光老  
借問黃花

開未開

蓬門寂寞鎖殘春  
螺黛因君盡日顰  
不肯焚香朝北斗  
恐教清月

照愁人

天漢佳人盼碧流  
翠蛾無語鎖春愁  
遙憐短笛斜陽裏  
冷落黃姑

自牧牛

羣玉高凝翠黛寒  
秘書萬軸寫瑯玕  
世人未得金丹度  
石室雲封

不許看




温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY

温州市 0322 馆

WENZHOU LIBRARY